



## SUMÁRIU EZEKUTIVU: RELATÓRIU NIA MENSAJEN XAVE SIRA

Timor-Leste halo daudaun progresu boot iha tinan hirak depoizde ninia independénsia iha tinan-2002 no liuliu dezde krize tinan-2006. Timor-Leste nia Relatóriu Nasionál Dezenvolvimentu Umanu tinan-2011 (TLRDU) trasa progresu ida-ne'e no fó avaliasaun ida detallada kona-ba:

- **Estadu atuál kona-ba dezenvolvimentu umanu iha Timor-Leste;**
- **Dezafiu xave sira-ne'ebé tenke rezolve;**
- **Oinsá dezafiu sira-ne'e bele enfrenta ho di'ak iha tinan hirak oinmai.**

Dezenvolvimentu umanu permite konkretizasaun potenciál umana. Ne'e foka ba saida maka ema sei halo no sei sai saida – sira-nia kapasidade sira – no kona-ba liberdade ne'ebé sira iha hodi implementa hahilik réal iha sira-nia moris. Dezenvolvimentu umanu naturalmente iha ligasaun ho Objektivu Dezenvolvimentu Milénio.

### Fundu Petrolíferu no Dezenvolvimentu Umanu

**Kestaun fundamentál ida ba nasaun ne'e mak maneira ne'ebé reseita husi nia Fundu Petrolíferu – fonte reseita únika ne'ebé boot liu hotu ba Timor-Leste – bele uza di'ak liu hotu atu promove dezenvolvimentu umanu liuhosi dezenvolvimentu ekonómiku naun-petrolíferu, no liuliu setór rurál – hela fatin ba nasaun ne'e nia populasaun ho totál porsentu 80, maizumenus porsentu 41 ne'ebé tuir avaliasaun daudaun ne'e moris hela iha mukit nia laran.**

Ne'e duni, TLNHDR foka ba maneira sira-ne'ebé ekonomia naun-petrolífera bele dezenvolve ho di'ak liu. Ho halo ida-ne'e, nia objetivu mak atu:

- **Aprezenta nasaun ne'e nia susesu sira ho nune'e hodi atinje nia objetivu dezenvolvimentu sira.** Apresentasaun ida-ne'e no avaliasaun subsekuente TLNHDR nian ne'e halo bazeadu ba dados ne'ebé detalladu no kontemporáneu liu hotu mak iha daudaun, ho ezatidaun ne'ebé posivel. Iha área sira-ne'ebé dados hanesan ne'e la iha, maka avaliasaun sira sei bazeia ba informasaun ne'ebé foti husi relatóriu no dokumentu sira-ne'ebé iha, no husi diskusaun sira ho parte interesada relevante sira. Avaliasaun fó detalle ba realidade nasaun ne'e nia dezenvolvimentu – realidade ida-ne'ebé kontrasta

ho vizaun sira tuir estereótipu ne'ebé dala barak hetan internasionalmente iha nasaun ida-ne'ebé monu ba kiak nia laran, ho konfliktu nafatin no potenciál atu monu ba “malisan rekursu”.

- **Hala'ó diskusaun kona-ba adekuasaun no relevánsia estratéjia oioin ne'ebé disponivel ba dezvoltimentu ekonomia naun-petrolífera, no liuliu setór rurál.** Ida-ne'e sei sai nu'udar kestaun ida-ne'ebé importante liu hotu atu hasoru Timor-Leste iha tinan hirak oinmai. Ne'e duni, TLNHDR foka kona-ba oinsá nasaun ne'e nia rikusoin mina rai bele uza ho efikás liu hodi implementa kreximentu ekonómiku ba grupu kiak sira, dezenvolve setór rurál, permite redusaun kiak, fasilita kriaun traballu no promove dezvoltimentu setór privadu. Iha ninia diskusaun kona-ba estratéjia sira atu dezenvolve ekonomia rurál, no ninia apresentasaun kona-ba Enkuadramentu Makro-Ekonómiku hodi alkansa Objektivu Dezvoltimentu Miléniu (ODMs), TLNHDR direktamente trata kestaun sira-ne'e no halo sujestaun espesífika sira ba dezvoltimentu estratéjiku iha setór partikulár sira.

### **Susesu sira dezde Independénsia**

Iha tinan hirak inisiál ba nasaun ne'e nia dezvoltimentu depoizde independénsia, pasu prinsipál hirak mak foti tiha ona hodi harii fila fali nasaun ne'e. Hala'ó tiha eleisaun ne'ebé livre no justu, halo tiha ezbosu Konstituisaun, ho kuaze instituisaun hotu ne'ebé konstitucionalmente hetan mandatu harii iha período tempu relativamente badak nia laran, iha tinan-2005. Governu Fretilin depoizde tinan-2002 tau matan ba dezafiu dezvoltimentu oioin iha *Planu Dezvoltimentu Nasionál* (PDN) ne'ebé foka ba grupu kiak sira, ne'ebé hetan basa-liman husi doador sira nu'udar ezemplár ida ba Estratéjia Hamenus Kiak. Planu ne'e hato'ó “Vizaun Dezvoltimentu” ida, ne'ebé kontinua hela daudaun sai nu'udar matadalan ba implementasaun estratéjia sira dezvoltimentu setór nian. Iha setór mina rai ne'ebé krusialmente importante, Governu prepara tiha ona enkuadramentu legál ida ba produsaun, jestaun taxa no reseita, ne'ebé hetan resposta positiva nu'udar ezemplár ida kona-ba prátika internasionál ne'ebé di'ak, konsistente ho prinsipiu sira-ne'ebé adota husi *Extractive Transparency Initiative*.

### **Problema Fundamentál sira no Krize tinan-2006**

**Maski hetan susesu sira-ne'e, sei nafatin iha problema sira-ne'ebé tama naklekar, la'ó hela daudaun – dezempregu aas ba joven sira, rendimentu per kapita ne'ebé tun no taxa pobreza ne'ebé sa'e iha área rurál sira.** Problema sira-ne'e iha duni influénsia ba nasaun ne'e

nia krize tinan-2006 ne'ebé nakfera derrepente, ne'ebé mós rezulta husi divizaun kontínua iha polísia, militar no elite polítiku nia laran.

Ekonomikamente, krize tinan-2006 hamosu impaktu kle'an ida. Progresu durante tinan- 2002-5 ho dramátiku sai aat. Ekonomia naun-petrolífera tun ho porsentu 5,8, distribuisaun ba servisu sosiál no prosperidade limitadu tebetebes, no dezempregu sai aat liu tan. Dadus tinan-2007 hatudu katak rendimentu per kapita iha ekonomia naun-petrolífera maizumenus porsentu 20 inferiór iha tinan-2006 kompara ho tinan independénsia 2002. Nu'udar rezultadu krize ida-ne'e maka, iha inísiu tinan-2007, maizumenus ema dezlokadu hamutuk na'in-150.000 hela iha kampu temporáriu, ho kondisaun aat nia laran, ta'uk atu fila ba sira-nia suku.

### **Pós-2006: Tau Matan ba Prioridade Nasionál no Promosaun ba Kreximentu**

Hasoru situasaun ida-ne'e, governu subsekunte sira no partikularmente Governu koligasaun agora daudaun – Aliansa Maioria Parlamentár (AMP), lidera husi Primeiru Ministru Xanana Gusmão, foka hodi enfrenta kestaun fundamentál sira-ne'ebé kontribui ba krize – hadi'ak seguransa públika, hasa'e protesauun sosiál, trata problema sira-ne'ebé juventude enfrenta, hasoru dezempregu, hadi'ak prestasaun servisu sosiál, no promove governu ne'ebé moos no efetivu. TLNHDR halo avaliasaun ba sasukat to'o ona iha ne'ebé Governu nia estratéjia hodi foka prioridade nasional sira-ne'e hetan ona susesu atu enfrenta área problema prinsipál sira pós-2006, no ezamina ninia estratéjia ne'ebé sai daudaun atu promove kreximentu, dezvoltimentu umanu no redusaun kiak, tanba Governu finaliza Planu Dezenvolvimentu Estratéjiku (PDE) ba tinan 2011-30.

### **Dezenvolvimentu Umanu iha Timor-Leste**

TLNHDR tinan-2011 nian fó deskrisaun no avaliasaun didi'ak ida kona-ba atuál situasaun relaciona ho dezvoltimentu umanu iha Timor-Leste. Tuir avaliasaun detallada liu hotu kona-ba padraun moris ne'ebé iha daudaun – hanesan apresenta iha Inkéritu Padraun sira Moris Uma-kain nian – pobreza namkari iha fatin barabarak iha Timor-Leste. Inkéritu ida-ne'e konklui katak maizumenus porsentu 50 husi populasaun iha tinan-2007 moris iha kiak nia laran. Inkéritu sira tuirmai ne'ebé permite ita atu buka-tuir pobreza maka Sensus tinan-2010 no inkéritu ida tuirmai kona-ba uma-kain, iha tinan-2011. Sensus ne'e nia rezultadu sira sei iha ona iha inísiu tinan-2011 no inkéritu ba uma-kain iha tinan-2012. Bazeadu ba dadus ne'ebé disponivel ba Ministériu sira-ne'ebé kobre tinan sira to'o tinan 2009 nia rohan, TLNHDR foti ona konkluzauun ne'ebé inkéritu hirak-ne'e kuaze hatudu ona katak **kondisaun ema kiak nian hetan ona melloramentu signifikativu dezde inkéritu uma-kain nian iha tinan 2007**. Tanba polítika Governu nian hodi

transfere osan ba grupu vulneravel sira, no mós fó subsidiu ba ai-han, no kriaun empregu liuhosi iniciativa finansiamentu ba empregu sira iha área hirak mak hanesan dezvoltimentu ba infraestrutura, iha possibilidade boot katak nivel kiak nian sai di'ak liu tan dezde tinan 2007. Hosi tinan 2007-2009, nu'udar ezemplu, Governu finansia programa fó empregu ba timoroan na'in-40,000 anualmente, no programa dezvoltimentu Pakote Referendu ba infraestrutura iha tinan 2009 kria ona serbisu ho tempu badak ba ema na'in-64,000 iha setór rural sira. Dadus Governu ninia estimativa katak ekonomia sa'e ona ho porsentu 12,2 iha tinan 2009, ho renda média per-kapita hosi naun-petrolífera ne'ebé sa'e hosi \$499 iha tinan 2008 no \$599 iha tinan 2009. Iha estimativa seluk, hosi Banku Mundiál no *Asian Development Bank* (Banku Dezvoltimentu Ázia) fó taxa diferente sira ba aumentu iha tinan 2009, respetivamente hosi porsentu 5,0 no 7,4. Kualkér estimativa sei foti, relativamente ba taxa aas tanba aumentu ekonomia ne'ebé kuaze hanesan, ne'ebé atu iha ona impaktu pozitivu ba ema kiak. Aleinde projesaun no supozisaun hirak-ne'e, maski, seidak iha dadus suficiente sira hodi konfirma tendénsia definitivamente hirak-ne'e. signifkativamente, maski iha tan prova ida ba tinan 2008-9 – bazeadu tomak ba relatóriu distritu sira hosi Ministériu Agrikultura, Ekonomia no Dezvoltimentu, no Saúde, hamutuk ho relatóriu sira hosi ONG hirak-ne'ebé serbisu iha distritu no hosi observaun hosi sira-ne'ebé serbisu iha Palásiu Prezidensiál kona-ba apoiu projetu iha suku ba redusaun kiak iha eskala ki'ikoan – hatudu katak iha maioria distritu sira, nivel kiak hetan progresu ona. Maski iha ona progresu, maibé, sei iha problema dezvoltimentu umanu ne'ebé signifkativu, nomeadamente iha área fornimentu enerjia, seguransa ai-han no nutrisaun, asesu ba servisu edukasaun no saúde no empregu ba ema barak – ne'ebé sai preokupasaun liuliu ba foin-sa'e sira iha nasaun ne'e. TLNHDR argumenta katak problema sira-ne'e bele rezolve didi'ak liuhosi dezvoltimentu estratéjia ne'ebé apropiadu sira ba dezvoltimentu ekonomia naun-petrolífera no liuliu iha setór rural.

### **Promove Dezvoltimentu Sustentavel ba Setór Rural no Ekonomia Naun-Petrolífera**

**Timor-Leste oras-ne'e iha situaun ida ne'ebé nakonu ho dezafiu. Maski iha daudaun ona progresu, maibé populaun barak mak sei moris ho kiak, no iha espasu ne'ebé konsideravel hodi hadi'ak iha nivel dezvoltimentu umanu. Atu atende nesiedade atuál no futuru nian, rikeza petrolífera tenke utiliza ho efikás hodi promove dezvoltimentu sustentavel iha ekonomia naun-petrolífera.** Hodi levanta kestaun prinsipál ida atu hatene oinsá bele iha akumulasaun luan ho di'ak hodi jere ekonomikamente no politikamente atu promove dezvoltimentu. Diskusaun la'o hela ba kestaun sira-ne'e, ho planu sira Governu nian hodi hasa'e nivel hotu-hotu ne'ebé foti hosi Fundu Petróleu ba área prinsipál finansas nian, hanesan infraestrutura. TLNHDR envolve iha debate ne'e, hodi ezamina oinsá ho retirada sira-ne'ebé utiliza ona to'o ohin loran no propoin dalan ne'ebé utiliza ba atu hodi hadi'ak retira sira –

bazeadu ba prátika di'ak tuir internasionál, no hodi avalia ho detalla risku posivel sira ba jestaun di'ak ne'ebé la'o daudaun. Haree kontráriu ba komentador sira-ne'ebé argumenta katak sinál sira ba jestaun di'ak mak la favoravel tomak, TLNHDR konklui ona katak **Governu sira iha Timor-Leste tenke hatudu katak nia iha ona kapasidade tomak atu jere rasik Fundu. Aleinde ne'e, iha tinan ne'e, Governu konsege redús poténsia konfliktu boot hosi ema fahe-malu. Maibé, poténsia konfliktu sei iha, no bele tutan nafatin hosi fonte odi malu nian. Hanesan TLNHDR argumenta iha kapitulu rua ikus ne'e, baze poténsial sira ba resentimentu bele rezolve di'ak liuhosi dezenvolvimentu inkluzivu ekuitativa hosi ekonomia naun-petrolífera – hodi redús kiak iha setór agrikultura liuhosi hasa'e ema nia moris loroloron iha área rural no kria empregu iha setór naun-petrolífera sira.**

### **Prosesu atu Alkansa Objektivu Dezenvolvimentu Miléniu**

Hanesan hakerek iha Relatóriu, katak Timor-Leste halo ona progresu substansial iha área sira ODM nian. Ho nune'e tenke alkansa ba objetivu iha tinan 2015 nian ba taxa mortalidade ba bebé no labarik sira hosi tinan 5 ba kraik, halo kobertura hodi kuidadu pré-natal ba inan isin-rua, no ba proporsaun ba kazu sira-ne'ebé deteta kona-ba tuberkuloze (tuir DOTS). Oras-ne'e iha dalan loos ona atu alkansa programa ODM nian iha área sira hanesan matrikula ba eskola ensinu primária, proporsaun tuur-ahi ne'ebé hetan partisipasaun husi pesoal saúde ho kualifikasaun profisional, taxa prevalénsia kontraseptiva, taxa insidénsia sira-ne'ebé mosu ho TB, no proporsaun populasau ho asesu ba fonte bee-hemu nian ne'ebé di'ak liu. Maibé, Timor-Leste sei luta nafatin atu alkansa programa ODM ne'ebé sei iha, hanesan proporsaun populasau iha liña kiak nasional nia okos, prevalénsia hosi labarik ne'ebé ladún todan hosi tinan lima ba kraik, proporsaun hosi labarik ne'ebé atinje ona to'o grau da-lima, proporsaun hosi labarik ne'ebé hetan imunizasaun ba sarampu, taxa mortalidade materna, proporsaun hosi populasau ne'ebé iha koñesimentu ba HIV/SIDA, insidénsia tanba malária, no proporsaun hosi populasau ne'ebé utiliza fasilidade saneamentu ne'ebé hadi'ak ona.

Enkuadramentu Makro-ekonomiku ne'ebé apresenta iha estratéjia ne'ebé trasa iha TLNHDR ba Timor-Leste hodi alkansa programa ODM hotu-hotu iha tinan 2025. Enkuadramentu ne'e dezenvolidu tuir baze estratéjia kreximentu ida, bazeadu ba taxa kreximentu média 8% iha ekonomia naun-petrolífera ba tinan 15 oin mai. TLNHDR argumenta mós katak estratéjia ne'e viavel, ho finansiamentu sustentavel, no sei permite ba uzu eficiente no produtivu ba Fundu Petrolíferu, naran katak iha esforsu hodi dezenvolve estratéjia apropiadu sira ba dezenvolvimentu ekonomia naun-petrolífera no uluk nana' in ba setór rural, hodi mobiliza rekursu doméstiku hodi promove setór dezenvolvimentu.

## Planu Dezenvolvimentu Estratéjika

TLNHDR prezenta estratéjia detalladu sira hodi dezenvolve ekonomia naun-petrolífera, hodi redús kiak no hasa'e nivel atuál sira hosi dezenvolvimentu umanu no maktuduk ODM nian.

Análize, avaliasaun no estratéjia sira hodi dezenvolve ekonomia naun-petrolífera no setór rurál nian, ne'ebé prezenta iha TLNHDR, sei util ba Governu bainhira envolve halo konsulta ho parseiru sira no hodi halo formulasaun ba Planu Dezenvolvimentu Estratéjika (PDE), ho esforsu atu realiza Vizaun Dezenvolvimentu ne'ebé harii hosi no ba povu iha era ukun rasik-an ida-ne'e.

TLNHDR mós sei permite comunidade internasionál atu hatudu imajen ida ne'ebé klaru no detalla ba realizasaun significativa sira iha nasaun to'o tempu no dezafiu ne'ebé sei iha nafatin iha área dezenvolvimentu umanu nian.

## Dezafiu no Risku

**Kestaun prinsipál ba nasaun mak jestaun no uzu ba rekursu petrolíferu.** Maski iha tinan ne'e nia laran iha ona nesiedade ne'ebé klaru hodi hato'o nesiedade sira ba prazu-badak liuhosi transferénsia renda no subsidiu, ba prazu-naruk, reseita sira tenke foka ba investimentu asesu públiku hodi aumenta produtividade ida. Iha perigu ida ne'ebé hatudu momoos ba sustentabilidade Fundu Petrolífera, fonte boot-liu ba reseita sira iha nasaun, karik governu halo retirada ne'ebé boot-liu kapasidade prestasaun nian hodi sustenta nivel aas no hasa'e investimentu públiku. Tuir buat ne'ebé hakerek iha Enkuadramentu Makro-Ekonómiku TLNHDR nian ba realizasaun ODM, **iha estratéjia ida ba kreximentu moderada-ba-nivel aas, hodi fó énfaze ba dezenvolvimentu rurál, iha enkuadramentu dezenvolvimentu umanu ida, bele kontein laiha igualdade no habelar luan tan benefisiáriu kreximentu nian.** Estratéjia ida ne'e bele konsentra tan hodi halo alokasaun ba setór kiak nian husi despeza públiku, hodi bele permite utilizasaun ba Fundu Petrolíferu hodi fó benefísiu ba populasaun tan ho ekuitativa no iha tempu ne'ebé hanesan hodi redús taxa hodi ezejuta fundu ne'e. Programa ne'e bele sai nu'udar objetivu prinsipál ida hosi *Planu Dezenvolvimentu Estratéjika* (PDE) da-haat nian ne'ebé sei mai.

**Aumenta dezigualdade entre área rurál no área urbana sira sai nu'udar dezafiu boot ida ba promosaun dezenvolvimentu umanu, pro-kiak iha tinan hirak tuir mai. Haree filafali ba iha ekonomia rurál sai nu'udar prioridade urjente ida.** Polítika sira-ne'ebé atu hasa'e investimentu iha agrikultura no ekonomia rurál presiza kria atu nune'e bele aumenta rendimentu, kria serbisu, no aumenta nesiedade ba produktu lokál sira. Alokasaun orsamentu ba setór agrikultura uluk nian ladún han malu ho nesiedade populasaun rurál nian, no ida-ne'e presiza retifikasaun.

**Mezmu nivel kiak nian hamenus ona iha tinan hirak liubá, kiak sei iha nafatin.** Polítika atu haree ba nivel kiak nian sei labele depende loos de'it ba efeitu “tun neineik ba baze” husi rikeza mina nian, maibé hanesan saida mak hatudu tiha ona liuhosi esperiénsia nasaun sira iha rejaun Sudueste Aziátiku maka, polítika no programa sira atu bele garante kreximentu inkluzivu.

**Tanba presiza kreximentu substansiál iha investimentu ba dezvoltimentu ekonomia la'ós-mina nian no setór rural, Timor-Leste presiza atu dezvoltolve ninia komunikasaun, transporte no infra-estrutura finanseira ho tempu ida mak relativamente badak.** Enkuadramentu lejjlasaun ne'ebé iha daudaun ladún enkoraja investimentu, no importante tebes atu hadi'ak ida-ne'e. Lei investimentu estranjeiru nian presiza atu kria lalais se bele hodi nune'e bele dada investimentu sira-ne'ebé iha kbiit atu kria serbisu, hadi'ak abilidade sira ba traballadór nian, no promove melloramentu teknolójiku.

Baze rekursu naturál Timor-Leste nian frajil no hamenus lailais. Rai, bee no ai-laran sira iha kondisaun ne'ebé ameasa nia laran. Presiza atensaun maka'as atu rezolve impaktu meiu-ambientál ba kiak, liuhosi promosaun ba medida sira-ne'ebé atu konserva no proteje baze rekursu naturál hodi nune'e atividade dezvoltimentu sira bele iha sustentabilidade ambientalmente.

**Timor-Leste esperiénsia hela mudansa demográfika ho implikasaun maka'as ba ninia dezvoltimentu aban bainrua nian.** Timor-Leste mós konsidera iha taxa moris ne'ebé aas iha mundu, maioria ninia populasau n iha idade menus husi 21, no migrasaun husi foho mai Dili, ida-ne'ebé aas tebes. Dezafiu atu kria serbisu ba populasau n sira-ne'ebé agora daudaun hela iha sidade laran ne'e boot tebes, hanesan mós ho dezafiu sira mak tenke hasoru They would like to be given an 2-3 induction course on the role of the LA, how to work with police officers, relevant laws, terminology relating to serious crimes, investigations etc atu hamenus taxa moris agora nian, la'ós mak de'it aumentu investimentu signifikativa setór saúde no edukasaun.

**Hadi'ak parte governasaun mós sai nu'udar pre kondisaun krusiál ida ba atinje kreximentu sustentavel.** Iha tinan hirak liubá, ezekusaun orsamentu substansialmente hadi'ak tiha ona. Maibé, mudansa hirak-ne'e tenke kombina ho kompromisu mudansa iha funsaun auditoria nian no mekanizmu sira ba anti-korrupsaun. Presiza mós atu implementa loloos sistema anti-korrupsaun ida mak hadi'ak tiha ona.

**Hanesan fó-sai tiha ona iha ezbosu Planu Estratéjiku Dezvoltimentu ne'ebé Governu mós hatene ona kona-ba dezafiu sira ba dezvoltimentu nian, atu nune'e governu bele**

**dezenvolve no define ninia estratéjia sira hodi rezolve dezafiu sira-ne'e.** Kontinuasaun prosesu atu rezolve problema sira-ne'e importante tebes, bainhira kuandu la rezolve ho didi'ak bele agrava ka hamoris fatór sira mak nota ona katak hamosu impaktu ladi'ak ba estabilidade iha pasadu. Ida-ne'e inklui mós grupu sira halo esplorasau ba kondisaun ne'ebé agrava ona bazeia ba kontinuasaun nivel dezempregu no kiak, deskontamentu naklekar iha populasaun foin-sa'e barak dala ruma hatudu iha violénsia grupu, tensaun iha setór seguransa nia laran, sinál ida hatudu katak prosesu judisiál formál nian ladún natoon atu garantia responsabilizasaun kriminal, disputa ba rai sé mak sai na'in ba rai, aumenta hamutuk durante tinan barak nia laran, no insatisfasaun mosu husi sentimentu ba falta prátika boa governasaun. Governu tau matan tiha ona ba asuntu sira-ne'e no kontinua tau matan ba, partikularmente ida-ne'e relasiona ho forsa seguransa sira, ne'ebé iha tinan hirak nia laran progresu substansiál balun mak halo tiha ona.

**Promove polítika sira ba grupu kiak nian ne'e mós fundamentalmente prezisa envolvimentu maka'as iha prosesu halo desizaun nian liuliu ba ema sira mak ikus mai polítika sira-ne'e sei aplika ba sira, nomeadamente populasaun área rural Timor-Leste nian.** Atu hetan susesu ba promosaun dezvoltamentu umanu no hamenus kiak sei depende ba comunidade rural sira sente konvense ona katak, implementasaun ba planu estratéjia sira-ne'e sei fó benefísiu ba sira. Tanba ne'e importante atu povu sira partisipa ativamente iha prosesu dezvoltamentu ba desizaun ne'ebé afeta ba sira-nia moris loron-loron nian, atu hetan partisipasaun ida mak significativu, promove liuhosi desentralizasaun efetivu ida ba distritu no parte sira iha kraik. Parlamentu agora daudaun halo hela lei sira hodi introdús governu munisípiu iha kada distritu 13 iha rai laran, no ba mós prosesu atu hili governu. Harii governu nivel distritál no dezvoltave podér no autoridade loloos ba sira bele mós to'o ba desentralizasaun prosesu foti desizaun nian. Foin lalais ne'e, Governu decide ona atu adia eleisaun munisipál nian ba to'o 2014. Ne'e sei fó benefísiu maka'as karik prosesu ne'e hala'o sedu tiha, atu nune'e bele kria sistema polítiku ida mak sai inkluzivu liután, habiit partisipasaun lokál nian liuhosi governu munisipál sira. Iha mós duvida uitoan relasiona ho hasa'e-kapasidade iha nivel lokál nian prezisa hodi nune'e bele iha susesu ba introdusaun governu lokál. Maibé, seidak iha kapasidade mak eziste ona iha área barak, no falta kapasidade sei labele uza hanesan justifikasaun ida ba la habelar partisipasaun polítiku ba distritu no suku sira.